



Cordillera Peoples Alliance



Timpuyog dagiti Mannelon
ti Kalinga



INNEM A TAWEN A KINAAWAN HUSTISYA!

“Until our right to self determination is recognized, the struggle will not end. Even it means the sacrifice of our lives to achieve freedom, so be it. - Rafael “Markus” Bangit.

Innem a tawen ti napalabas idi awanan asi ken naranggas a pinatay ti kameng ti death squad ti military ni Rafael Markus Bangit iti oras ti alas sais iti malem idi June 8, 2006 iti maysa a bus stop iti Echague, Isabela iti sangwanan a mismo ti anak na a ni Ralph Banna Bangit. Nairaman ni Mrs. Gloria Casuga, maysa a principal iti pagadalan iti munisipyo ti Quezon, Isabela.

Innem a tawen nga agpukpukaw ti HUSTISYA ti Pamilya Bangit, dagiti Katribuan na, dagiti Kailyana, dagiti kakadwa na iti trabaho ken amin a biktima ti kinaranggas ti Militar babaen ti Oplan Bantay Laya I and II idi panawen ti aso aso a rehimen ni Gloria Macapagal Arroyo.

Innem a tawen ti napalabas ngem awan pay laeng ti aksyon ti gobyerno a mangdusa kadagiti agdakdakiwas nga ayup a death squad ti Military a nangkettel iti biag dagiti inosente a biktima iti kinaranggas ti OBL I&II. Nu saan a maipaay ti gobyerno ti Hustisya kadagiti biktima ti kinaranggas ti estado, asino pay ti pagkamangan dagiti biktima? Dusaen kadi ti gobyerno ti bukod na a bagi? Asino ngarud iti mangipaay ti HUSTISYA?

Iti agdama, iyab-ablat ti rehimen nga US-Aquino ti naranggas ken manangallilaw nga Oplan Bayanihan. Gandat na daytoy a pameken ti pannakidangadang dagiti umili a Pilipino a manggunod ti pudno a wayaway ken demokrasya. Gandat na a pameken ti pannakidangadang dagiti nainsigudan nga umili ti Kordilyera iti panangsalaknib iti biag, daga ken kinabaknang kontra kadagiti dadakkel ken makadadael a kompanya ti Minas, Dam ken Geothermal babaen iti panangipalubos na a panagkampo dagiti Militar iti uneg ti ili ken komunidad ditoy Kordilyera.

Sangwen ken labanan dagitoy a karit iti panangilaban kadagiti karbengan tayo kas tao ken iti pannakidangadang para iti panangsalaknib iti daga a nagtaudan. Mas pairtengen pay iti dangadang kontra iti pasismo ti estado.

HUSTISYA PARA KENNI MAKROY!

HUSTISYA ITI AMIN A BIKTIMA TI NARUNGSOT NGA OBL I&II

HUSTISYA KADAGITI AMIN A BIKTIMA TI OPLAN BAYANIHAN! LABANAN KEN PAAYEN TI OPLAN BAYANIHAN!

IYABANTE TI DANGADANG PARA ITI BUKOD A PANANGGEDDENG!

PAIRTENGEN TI DANGADANG KONTRA KADAGITI DADAKKEL KEN MAKADADAEL A KOMPANYA TI MINAS, DAM KEN GEOTHERMAL!

Cordillera People’s Alliance – Kalinga ■ Timpuyog dagiti Mannelon ti Kalinga ■ KATRIBU – Kalinga

**Email and website: cpa@cpaphils.org, www.cpaphils.org cordillera@katribu.org,
www.katribu.org**